



"REGIONALNA DEPONIJA MOŠĆANICA" d.o.o. ZENICA
Moščanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: regdepze@bih.net.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 35. Statuta Privrednog društva „Regionalna deponija Moščanica“ d.o.o. Zenica a na preporuku Komisije za javnu nabavku, imenovane Odlukom, broj: 02-253/17 od 18.05.2017.godine u otvorenom postupku nabavke „Izvedba nadogradnje odlagališne kasete na Regionalnoj deponiji Moščanica“, direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) donio je:

O D L U K U

o izboru najpovoljnijeg ponuđača i dodjeli Ugovora o izvedbi nadogradnje odlagališne kasete na Regionalnoj deponiji Moščanica

Član 1.

Prihvata se preporuka Komisije za javnu nabavku, broj: 02-328/17 od 08.06.2017.godine i Ugovor o izvedbi nadogradnje odlagališne kasete na Regionalnoj deponiji Moščanica, dodjeljuje se ponuđaču Konzorcij: „Izgradnja – Tojaga“ d.o.o. Mostar i „Almy“ d.o.o. Zenica, na osnovu njihove ponude broj: 337-06-IT/2017 od 07.06.2017.godine za ponuđenu cijenu od 420.908,70 KM bez PDV-a odnosno 378.817,83 KM nakon primjene preferencijalnog tretmana domaćeg.

Član 2.

Izabrani ponuđač je dužan dostaviti dokaze o svojoj kvalificiranosti u skladu sa tačkom 12. Tenderske dokumentacije.

Član 3.

Prijedlog ugovora dostavit će se na potpis izabranom ponuđaču **Konzorcij: „Izgradnja – Tojaga“ d.o.o. Mostar i „Almy“ d.o.o. Zenica** po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 4.

Ova odluka će se objaviti na web - stranici Ugovornog organa (www.rdm.ba) istovremeno s upućivanjem primjerka odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Odluka stupa na snagu danom donošenja, i dostaviti će se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke "Izvedba nadogradnje odlagališne kasete na Regionalnoj deponiji Mošćanica" za potrebe Ugovornog organa pokrenut je Odlukom o pokretanju postupka javne nabavke, broj: 02-252/17 od 18.05.2017.godine.

Procijenjena ukupna vrijednost javne nabavke bez PDV-a je 450.000,00 KM.

Javna nabavka je planirana u Planu javnih nabavki za 2017.godinu i evidentirana je u istom pod rednim brojem 1., a Plan je objavljen na web stranici Ugovornog organa (www.rdm.ba) u skladu sa članom 17. Zakona o javnim nabavkama.

Javna nabavka je provedena otvorenim postupkom u skladu sa Zakonom o javnim nabavkama.

Kriterij za ocjenu ponuda je "najniža cijena" prihvatljive ponude.

Dana, 18.05.2017.godine na portalu javnih nabavki (www.ejn.gov.ba) je objavljeno Obavještenje o nabavci, broj: 362-1-3-130-3-16/17, a sažetak Obavještenja o nabavci je objavljen u „Službenom glasniku BiH“, broj 38/17 od 26.05.2017.godine.

Komisija za javnu nabavku imenovana je Odlukom direktora Ugovornog organa, broj: 02-253/17 od 18.05.2017.godine.

Dana, 08.06.2017.godine Komisija za javnu nabavku je dostavila Zapisnik o ocjeni ponuda, broj: 02-327/17 od 08.06.2017.godine u postupku javne nabavke "Izvedba nadogradnje odlagališne kasete na Regionalnoj deponiji Mošćanica". U Izvještaju (Zapisniku) o radu Komisije, je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Na osnovu toga, utvrđeno je sljedeće:

- da su ukupno dostavljene tri (3) ponude,
- da su blagovremeno zaprimljene tri (3) ponude,
- da nije bilo neblagovremeno zaprimljenih ponuda,
- da sve dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama Tenderske dokumentacije za predmetnu nabavku Ugovornog organa.

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njihove validnosti obzirom na iskazane zahtjeve Ugovornog organa u Tenderskoj dokumentaciji odnosno vrednovanju ponuda u skladu sa procedurama i pravilima utvrđenim Tenderskom dokumentacijom i Zakonom o javnim nabavkama, odnosno pripadajućim podzakonskim aktima.

Uvidom u ponude Komisija je konstatovala da, u Obrascu za ponudu (Aneks 1) kod ponuda ponuđača Konzorcij: "Izgradnja -Tojaga" d.o.o. Mostar i "Almy" d.o.o. Zenica te Konzorcija: "Almy - Transport" d.o.o. Zenica i "G.T. Trade" d.o.o. Split, je označena izjava ovih ponuđača da njihove ponude potpadaju pod primjenu preferencijalnog tretmana domaćeg, dok u ponudi Konzorcija: "TKM" d.o.o. Zenica i "Dume - Trade" d.o.o. Portorož je označena izjava da njihova ponuda ne ispunjava uslove za primjenu preferencijalnog tretmana domaćeg.

U skladu sa Odlukom o obaveznoj primjeni preferencijalnog tretmana domaćeg ("Službeni glasnik BiH", broj: 83/14. od 04.11.2016. godine) Ugovorni organ je u tački 41. Tenderske dokumentacije propisao sljedeće: *"Pod domaćim ponudama smatraju se ponude koje podnose pravna ili fizička lica sa sjedištem u Bosni i Hercegovini i koja su registrirana u skladu sa zakonima u Bosni i Hercegovini i kod kojih, u slučaju ugovora o nabavkama radova, najmanje 50% radne snage za izvršenje ugovora su rezidenti iz Bosne i Hercegovine"*.

Dakle, da bi se ponuda smatrala domaćom i da bi ista potpadala pod primjenu preferencijalnog tretmana domaćeg moraju biti kumulativno ispunjena dva uslova;

1. da svi ponuđači uključujući i članove grupe ponuđača - konzorcija imaju sjedište u Bosni i Hercegovini i da su registrirani u skladu sa zakonima u Bosni i Hercegovini i
2. 2) da najmanje 50% radne snage za izvršenje ugovora su rezidenti iz Bosne i Hercegovine.

Uvidom u ponudu grupe ponuđača - konzorcija firmi "Almy - Transport" d.o.o. Zenica i "G.T. Trade" d.o.o. Split, konkretno u Izvod iz sudskog registra firme "G.T. Trade" d.o.o. Split nesporno je da je ova firma registrirana u skladu sa zakonima R Hrvatske i da ima sjedište u Splitu na adresi Spinčićeva 2D.

S obzirom da R Hrvatska nije članica zemalja CEFTA, iz naprijed navedenog jasno je da ponuda grupe ponuđača "Almy - transport" d.o.o. Zenica i "G.T.Trade" d.o.o. Split, ne ispunjava uslove iz tačke 41. Tenderske dokumentacije i Odluke o obaveznoj primjeni preferencijalnog tretmana domaćeg, te s toga Komisija Ugovornog organa nije mogla na ovu ponudu primijeniti preferencijalni tretman domaćeg.

Kod ponude ponuđača Konzorcija: "Izgradnja - Tojaga" d.o.o. Mostar i "Almy" d.o.o. Zenica, Komisija Ugovornog organa je, u skladu sa naprijed navedenom Odlukom o primjeni preferencijalnog tretmana domaćeg i tačkom 41. Tenderske dokumentacije, utvrdila da ova ponuda ispunjava uslove za primjenu preferencijalnog tretmana domaćeg.

Na osnovu navedenog Komisija Ugovornog organa je utvrdila da sve ponude dostavljene u postupku nabavke ispunjavaju formalno - pravne uslove i da su prihvatljive, te da mogu biti predmet vrednovanja shodno utvrđenim kriterijima u Obavještenju o nabavci, odnosno Tenderskoj dokumentaciji.

U tabeli broj 1. je dat pregled ponuđenih cijena za predmetnu nabavku i rangiranje ponuđača po kriteriju "najniža cijena" prihvatljivih ponuda, kako slijedi:

Tabela broj 1.

Rang	Naziv ponuđača	Ponuđena cijena (bez PDV-a) u KM	Primjena preferencijalnog tretmana domaćeg ponuđača (-10%) u KM	Ponuđena cijena (bez PDV-a) u KM, nakon primjene preferencijalnog tretmana domaćeg ponuđača
1	Konzorcij: "Izgradnja – Tojaga" d.o.o. Mostar i "Almy" d.o.o. Zenica	420.908,70	42.090,87	378.817,83
2	Konzorcij: "TKM d.o.o. Zenica" i "Dume – trade" d.o.o. Portorož	382.799,44	-	382.799,44
3	Konzorcij: "Almy – transport" d.o.o. Zenica i "G.T. – Trade" d.o.o. Split	460.530,70	-	460.530,70

Komisija za nabavku je utvrdila da ponuda, broj 337-06-IT/2017 od 07.06.2017.godine ponuđača - konzorcij firmi: **"Izgradnja – Tojaga" d.o.o. Mostar i "Almy" d.o.o. Zenica** ispunjava sve formalno – pravne uslove iz Zakona o javnim nabavkama i kriterije Ugovornog organa postavljene u Tenderskoj dokumentaciji, da je ovaj ponuđač ponudio cijenu ponude koja nije veća od procijenjene vrijednosti nabavke Ugovornog organa, te je stoga ova ponuda ocijenjena kao prihvatljiva i najpovoljnija.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema Odluke.

Broj: 02-329/17
Zenica, 09.06.2017. godine



Direktor Društva

Zukić Emir, dipl.ing.maš.

Dostaviti:

- 1 x Ponuđaču, Konzorcij: "Izgradnja – Tojaga" d.o.o. Mostar i "Almy" d.o.o. Zenica
- 1 x Ponuđaču, Konzorcij: "TKM" d.o.o. Zenica i "Dume – trade" d.o.o. Portorož
- 1 x Ponuđaču, Konzorcij: "Almy – transport" d.o.o. i "G.T.-trade" d.o.o. Split
- 1 x a/a